

ընդունել զՊօղոս եւ զհայր նորա 'ի կարգս միարանաց .
 զի յայնմ ժամանակի չէր օրէն ընդունիլ զմանկահասակս
 'ի միաբան . հայրն եղև պարտիզպան եւ երբեմն ժամակոչ
 'ի Հրեշտակապետ , եւ մանուկն ետուն առ տեսուչն Հրեշ-
 տակապետի Մարտիրոս վարդապետ . զկնի չորից ամաց
 հօրեղբայր Պօղոսի առեալ զմանուկն դարձաւ 'ի վան ,
 իսկ նորա չկարացեալ մնալ անդ՝ վերստին դարձաւ յերու-
 սաղէմ (1734) . եւ 'ի սմին ամի եկին յերուսաղէմ Յակոբ
 վարդապետ Նալեան՝ աշակերտ Յովհաննու Կոլոտի , եւ
 Կեաարացի դիտնական Յովհաննէս վարդապետն , եւ Պօղոս
 կայր 'ի սպաս ծառայութեան Ս . Տեղեաց . ապա ձեռնա-
 դրեցաւ Սարկաւադ՝ եւ զկնի չորից ամաց վարդապետ
 եւ ժամասաց ձախակողմեան դասուն , հրաւիրակ ուխտա-
 ւորաց , վերատեսուչ դրատան , օգնական փակակալ Աս-
 տուածատուր վարդապետի . ապա Նուիրակ 'ի վան (1744) ,
 եւ դարձաւ անտի յետ չորից ամաց . եւ զկնի մահուան Գրի-
 գորի Պատրիարքի դնաց հրաւիրակ ուխտաւորաց 'ի Կոս-
 տանդինուպօլիս , եւ 'ի դարձին իւրում Յակոբ Պատրիարք
 առաքեաց Նուիրակ յԵւդոկիա , եւ անտի դնաց յէջմիածին
 հրաւիրմամբ Մինաս Կաթուղիկոսի , եւ ձեռնադրեալ 'ի նը-
 մանէ Եպիսկոպոս եկն յերուսաղէմ յաւուրս Թէոդորոսի ,
 եւ նա առաքեաց զնա Նուիրակ 'ի Ղրիմ եւ 'ի Բումբէլի , եւ կա-
 տարեալ զայն պաշտօն դարձաւ յերուսաղէմ . եւ յետ միոյ
 տարւոյ դնաց 'ի Զմիւռնիա , եւ 'ի քաղաքին Նիկոմիդեայ
 լուաւ զմահ Թէոդորոս Պատրիարքի , ուր աւարտեալ ըզ-
 դործս իւր՝ դարձաւ յԱթոռն Զ վարդապետօք , եւ եղև
 դարպասընկալ (1762) . եւ վարեաց զայն պաշտօն ամս 6 .
 եւ յետ վախճանի Կարապետի՝ ընտրեցաւ Պատրիարք Ա-
 թոռոյն , եւ կարգեաց զԵւդոկիացի Սարգիս վարդապետ
 Ֆէրմանեան դարպասընկալ եւ փոխանորդ , եւ ապա սկսանի
 գրել զարդիւնս Ս . Աթոռոյն :

Վասն պատերազմին Ռուսաց ընդ Օսմանցիս՝ փակեցաւ
 նեղուցն Կոստանդինուպօլսոյ , ուստի ոչ նաւ , ոչ ուխ-
 տաւոր եւ ոչ օգնութիւն եհաս յերուսաղէմ . 'ի սմին ամի
 դտան ուխտաւորք միայն անձինք իրբեւ 300 , եւ 18 նաւ
 Օսմանցեոց այրեցան մերձ 'ի Զէշմէլի , Եգիպտացիք դի-
 մէին 'ի Պաղեստին , յորմէ երկիւղ բնակչաց՝ թէպէտ Ե-